

Aláa féyí anqúlínya-daa

Ɖoo bujóó né, aláa féyí anqúlínya-daá. Abaaláa riké we ná, aláa féyí. Wíre bujóó né, nge abaalú kúbóní naáru weedéé faadínú cáádi, faadínú tǔn ge bánýaa sísti camááni. Tóó camááni-déé cáádi-daá ge kúbóní umú ɩwe háli ɩtála buwá-daá, nge waana lum-jokú bika nabúrwá telendéé lím-róózi. Woodúu ɩbééŋ kazóó né, nge waana sísti alú-déé yíla na «alú kúbóní ge: Yíde wendé múde-dúu waava alú-déé alíti né nbulé.»

(Nge naáru wóobóózi múde-dúu sísti we ge bánýaa sísti alú kúbóní. Nnaamú ge múde-dúu sísti: Nyáábáázi ngíli sáawúra. Bánýaa ge sísti: alú kúbóní, tisi sísti too.)

Alú funvéyí, alú-déé yílá ge lím-róózi adelendéé. Ngú sáati kǔm abaaláa riké ge. Kúbóní waadáa náa né, unyi sísti tuná ge, weebééŋ tímm... né ge waana yílá nóózi bika alú kúbóní ɩlé ɩbá ilewáa bulé.

Nge kúbóní waagba ɩdi ɩsíŋ ɩbeéna wánlám bíti, ɩdatúli ti né, wóobóó ɩbisi dǎána iféeri ɩjaa-jaa wenbí waagána né sísti: Baabá kúbóní, kédeé méedi buwá-daá si magájaa camááni né, bútangbalú-déézi lum-jokú nakíri we nína, nge máána nabúru telendéé lím-róózi. Máána né, mányi sísti tiiná. Móójóŋ si mejésti sóó né, nge máána sísti: budekéé tiiná. Wé nbulé. Mádátíli ti.

-Nna ge ɩjaa kúbóní wóobóózi yi sísti: A bigéé móódó nya sísti níbisi ngágú wenbí nyáána né, baa bídaá kúduǔm ní. Nyánbuzí?

-Nge ɩlé sísti: a móógóna dǎina dǎiweezuú ní.

-Nge caáwu sísti: bulé bínlám kazóó bikíli.

-Bidéé sáati kǔm, dǎo lsóó waalá we né, begéé ɩráa nǔwónáázá ge bedéé dǎó-daá abaaláa rike, alú féyí bǔlǔwútáa.

Kiivé né, nge afobú ceení weezelí dǎkú si ɩkágba ɩdéé tiiná. Waadála né, nge wóobóó yíle kúduǔndé na alú kúbóní kúduǔm ɩdu dǎkú-daá ɩselí ɩsúu, nge wóobóó dǎána níbaáwu. Waadála né, nge wóobóó dǎkú na wenbí buwe kɩdaá né ɩwíli ábóní. Ábóní weebééŋ tímm.. né, nge woogóo sísti: Óhohóo! Budekéé wenbí dǎámúzu háli dǎbíu né nbulé? Nge afobú wóobóózi ɩjaa kúbóní sísti: -Weení waalaná kpúná am ge dǎámúzu ye.

-Nge caáwu sísti: lsóó waalaná!

-Nge afobú sísti: a bulé nyánbuzí ngba ngóboózi lsóó? Nge caáwu woobúsi yi sísti: -lín! Bulé né cǔu nbééŋ kpúná, bika móó magba lsóó-jó mǔgóbóózi yi.

-Nge waadásti ɩmáti sísti: mányi sísti: lím-daá ge nyáágálízi ye ya.

-Nge afobú sísti: lín, Nge waajáa cúu niveyóó ɩdu lím kadaá ɩkpóó kpúná am ɩdu bídaá.

Nge ábóní waazúu dǎŋ ɩto tará ɩróózi háli wé ákɩzaalú. Ákɩzaalú wíre ge waalú dǎŋ-daá. Sáati wenkí ɩwe dǎŋ-daá bulé né, wánŋmatnáa lsóó nbulé. Nge lsóó weevéeri yi sísti: mínyi lé mílúiná né? Nge ábóní sísti: aayí!

-Nge lsóó sísti: alú-daá ge mílú, alú we mólówútáa?

-Ábóní sísti: aayí!

-Nge lsóo wɔɔdɔbɔɔzi yi sɪsɪ: mɪnyɪ weenɪ waaluru mɪ nɛ?

Kɔbɔnɪ sɪsɪ: aayɪ!

Nge lsóo sɪsɪ: tɔɔ, mánváa mɪ alú. Bulé burɔɔzi ge máálá mɪ idɔɔ.

-Kiigúti kifé nɛ, nge lsóo weedíri ibiyaalú ábóní-jó. Nge ábóní woobó ikpóo niveyóo na wenbí buwe kadaá nɛ. Nge lsóo biyaalú waawili yi nɛnɪ sɪ ulá nɛ. Nge wɔɔgbóo alú kɔbɔnɪ idu koobíre-daá nɪnɪ naáru, nge ulé waabísi alú, nge wɔɔgbóo yilá dudu idu yi.

Nge waadasi itó afobú sɪsɪ: íbisi buwá-daá itasi ikoná. Nge ulé waabísi ikógbɔo yilá na alú kɔbɔnɪ. Wɔɔgoná nɛ, nge lsóo bíyaalú wɔɔgbóo alú kɔbɔnɪ na yilá idu kúdum, nge ulé dudu waabísi alú. Leleedɔ buzáa we aláa nɔwéle abaaláa nɔwéle.

-Nge lsóo biyaalú sɪsɪ: tɔɔ, leleedɔ buganá mɪ, a mɪnlám nɛnɪ nɛ mújó.

-Tɔɔ, bɔwe bulé háli irodunáa lube, nge baabáazi amuvzsé, aayɪ, bujóo nɛ, aláa léenɪ lóodi waabáazi fuurɪ. Nge bulá we bíti sɪsɪ: wentí ge tina.

Nge abaaláa sɪsɪ dárɪɲa dɛndɪi ku kíjíim dɛyí-dɛyí, amá beɪm bolóodi igúti túnvuurɪ bɪnjezú dɛa dɛdɛe ndi!

-Bɔwe bánlám bidée bíti, wíre nɛ, nge lsóo waadasi ikédiri ibiyaalú bɔjó. Nge ulé weevéeri we sɪsɪ: béyele bucɔɔ bulé dɛfɛɛ, uráa ge badaá.

-Nge ulé wɔɔbɔɔzi we sɪsɪ múvunjóo nɛ aláa we mɪlówútáa?

-Nge abaaláa woobúsi sɪsɪ: aayɪ.

Nge ulé sɪsɪ: burɔɔzi lsóo wɔɔdɔ ma sɪsɪ mábísíná mídáa nɔwéle aláa.

Wíre bujóo nɛ, nge aláa léenɪ waaluru kúdum-dée bú abaalú waaganáa alú.

Bíya beɪm baabú nɛ, nge bɔɔgbóo dɛmá.

Nnaamú ge lsóo sɪsɪ: Aayɪ, tilé tulá, leleedɔ múbisi alú na abaalú. Sinje tíɲa bulé ge sɪ ɪcɔɔ abaalú na idɛelú. Mánváa mɪ bíya aláa na abaaláa iyóózi ɪcɔɔ. Tífe dɔo nɛ, aláa féyí, abaaláa riké ge. Tɔɔ, lsóo wɔɔzɔóli sɪsɪ: aláa na abaaláa iyóózi bɔcɔɔ nɛ ge weyéle kɔbɔnɪ ceenɪ bíyaalú ití buwá-daá faadɪnɪ cáadi, nge waagána alú. Bisuná wíre dɛm ge abaalú tɔnɔwú iriké asée wɔɔgbóo alú balá hiije bɔcɔɔ nɔwéle.

Tɔɔ, leleedɔ a nyóózulu nbée, lurúv-daá, aláa woogúti bɔdɔɔ bakili abaaláa, káma abaalú kúdum wánbuzi ikpóo aláa nɔwéle yáa nowódoozo, nɔwónáázá.

-Tɔɔ, camáani cáadi-daá ge urú waagálu alú-rɔɔzi ge lurúv waazúv, tífe dɔo nɛ, aláa féyí bika weenɪ sɪ uluru biya nɛ ɪvéyí.

Tɔɔ, mámúde wɔɔlɔ kutolodóore-dɔ.